

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 21-1/22
Sarajevo, 08.04.2022.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 19-04-2022			
Org. jed.	Broj	Priloga	Vrijednost
01/2; 02/2	- 02 -	628	18
01/c; 02/c			

Parlament Federacija Bosne i Hercegovine
Predstavnički dom
Zakonodavno-pravna komisija Predstavničkog doma parlamenta FBiH
n/r: - članova komisije

Predmet: Dostava primjedbe na nacrt zakona o izmjeni i dopuni zakona o plaćama i drugim naknadama sudija i tužilaca u FBiH.

Uvaženi,

Udruženje sudija/sudaca Federacije BiH dostavlja primjedbe na nacrt zakona o izmjeni i dopuni zakona o plaćama i drugim naknadama sudija i tužilaca u FBiH koje je Upravni odbor Udruženja usvojio na sjednici Upravnog Odbora Udruženja 08.04.2022. godine

S poštovanjem,
Predsjednik Udruženja
sudija/sudaca u Federaciji BiH
Hakija Zajmović s.r.



Prilog:

- Primjedbe na nacrt zakona o izmjeni i dopuni zakona o plaćama i drugim naknadama sudija i tužilaca u FBiH, broj 21/22 od 08.04.2022. godine.

Dostavljeno:

- Visoko sudsko i tužilačko vijeće BiH
- Federalno ministarstvo pravde
- Zakonodavno-pravna komisija Predstavničkog doma Parlamenta FBiH
- Zakonodavno-pravna komisija Doma naroda Parlamenta FBiH
- članovima Upravnog odbora USFBiH
- arhiva

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 21/22
Sarajevo, 08.04.2022.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

PRILOG

Primljeno: 19-04-2022			
Org. jed.	Broj	Priloga	Vrijednost
01k;02/c 01/2;02/2	- 02	- 628	/18

**PRIMJEDBE NA NACRT ZAKONA O IZMJENI I DOPUNI ZAKONA O PLAĆAMA I DRUGIM
NAKNADAMA SUDIJA I TUŽITELJA
U FEDERACIJI BOSNE I HERCEGOVINE**

Federalno ministarstvo pravde u Sarajevu sačinilo je Nacrt Zakona o izmjeni i dopuni Zakona o plaćama i drugim naknadama sudija i tužitelja u Federaciji Bosne i Hercegovine u mjesecu martu 2022. godine, a shodno odluci Ustavnog suda Bosne i Hercegovine broj AP – 2985/19 od 08.07.2021. godine, kojom je utvrđeno da važeći Zakon o plaćama i drugim naknadama sudija i tužitelja u Federaciji Bosne i Hercegovine ne sadrži odredbe koje propisuju naknadu na ime odvojenog života i troškova smještaja i odluci Ustavnog suda Bosne i Hercegovine broj U – 7/21 od 23.09.2021. godine kojom je utvrđeno da važeći Zakon o plaćama i drugim naknadama sudija i tužitelja u Federaciji Bosne i Hercegovine ne sadrži odredbe u pogledu naknade za obavezno dežurstvo ili pripravnost.

U Nacrtu Zakona o izmjeni i dopuni Zakona o plaćama i drugim naknadama sudija i tužitelja u Federaciji Bosne i Hercegovine dopunjen je Zakon o plaćama i drugim naknadama sudija i tužitelja u Federaciji Bosne i Hercegovine **novim članovima 6. d) koji reguliše pitanje naknade za odvojeni život od porodice i smještaj u mjestu rada i 6. e) koji reguliše naknadu za obavezno dežurstvo ili pripravnost za rad.**

I u članu 6. d) i u 6. e) kojim se utvrđuje pravo sudijama, tužiteljima i stručnim saradnicima na naknadu za odvojen život od porodice i smještaj u mjestu rada i naknadu za obavezno dežurstvo ili pripravnost za rad, se navodi **da će visinu, uslove i način ostvarivanja ovih naknada utvrditi Vlada Federacije Bosne i Hercegovine posebnim propisom koji će donijeti u roku od 30 dana od dana stupanja na snagu tog zakona.**

Ističemo primjedbju na ovako uopštenu koncipiranu odredbu utvrđenog prava sudijama, tužiteljima i stručnim saradnicima, jer i u važećem Zakonu o plaćama i drugim naknadama sudija i tužitelja u Federaciji Bosne i Hercegovine koji je objavljen u („Službenim novinama Federacije BiH“, broj 55/2013) u pogledu naknade za prekovremeni rad, rad u neradne dane, a što je navedeno u članu 6. c) je propisano da će visinu ove naknade i uslove za ostvarivanje ove naknade utvrditi Vlada Federacije Bosne i Hercegovine, **a što Vlada nikada**

nije uradila, iako je prošlo punih 9 godina od stupanja na snagu ovog Zakona, i iako su sudovi reagovali prema Vladi Federacije Bosne i Hercegovine da takav propis donese, tako da su sudije imale prema ovoj zakonskoj odredbi pravni osnov za ovu naknadu, a za utvrđivanje njene visine nisu imale podzakonski akt kako je to određeno zakonom, pa ovo pravo nisu mogle dugi niz godina ni ostvarivati.

Prema tome, u Nacrtu Zakona o izmjeni i dopuni Zakona o plaćama i drugim naknadama sudija i tužitelja u Federaciji Bosne i Hercegovine koji je u izradi od strane Federalnog ministarstva pravde Sarajevo, kao predlagača, ne treba da stoji da će Vlada Federacije Bosne i Hercegovine posebnim propisom utvrđivati visinu naknade za odvojeni život i naknade za obavezno dežurstvo, **nego treba da stoji da se ta naknada određuje na način kako je određena visina naknade koja pripada članovima Vlade Federacije Bosne i Hercegovine i njihovim savjetnicima, jer takva Uredba je donesena od strane Vlade Federacije Bosne i Hercegovine, na snazi je i primjenjuje se, pa takvu odredbu treba i unijeti u Nacrt Zakona o izmjeni i dopuni Zakona o plaćama i drugim naknadama sudija i tužitelja u Federaciji Bosne i Hercegovine.**

Uopštena odredba kojom se u Nacrtu Zakona o izmjeni i dopuni Zakona o plaćama i drugim naknadama sudija i tužitelja u Federaciji Bosne i Hercegovine utvrđuje pravo nositeljima sudskih funkcija na naknadu za odvojen život i pravo na naknadu za dežurstvo, u praksi prilikom primjene ovog Zakona, ukoliko Vlada Federacije BiH ne bi blagovremeno donijela propis o visini ovih naknada, dovelo bi do pravne nesigurnosti i do različitog postupanja u sudskim postupcima koji bi bili pokrenuti od strane nositelja pravosudnih funkcija, radi ostvarivanja prava na ove naknade.

S poštovanjem,
Predsjednik Udruženja
sudija/sudaca u Federaciji BiH
Hakija Zajmović



Dostavljeno:

- Visoko sudsko i tužilačko vijeće BiH
- Federalno ministarstvo pravde
- Zakonodavno-pravna komisija Predstavničkog doma Parlamenta FBiH
- Zakonodavno-pravna komisija Doma naroda Parlamenta FBiH
- članovima Upravnog odbora USFBiH
- arhiva